

खयाली पुलाव



डॉ. आभा पूर्वे

अंगप्रदेश के लोकप्रिय दोहाकार
धनञ्जय मिश्र
के ई कृति समर्पित

—आभा

खयाली पुलाव

(अँगिका बाल कथागीत)

डॉ. आभा पूर्वे

प्राचार्या : अद्वैत मिशन ट्रेनिंग कॉलेज,
मंदार विद्यापीठ, बाँका, बिहार



प्रकाशक

बाल काव्य

खयाली पुलाव

बाल काव्य

खयाली पुलाव

© Dr. Abha purvey

बाल काव्य : खयाली पुलाव

कवयित्री : डॉ. आभा पूर्वे

संस्करण : २००६ ई.

प्रकाशक : अंगिका संसद, भागलपुर (बिहार)

मुद्रक : एमएलपी, भागलपुर

मूल्य : २० रुपये

KHAYALI PULAW By Dr. Abha purvey

ई दोनो कथा उत्तरांगी के अंक छः वर्ष 200 के अंत में ही छपी चुकलौ छेलै । जे बहुत बच्चा सिनी के बीच लोकप्रिय होलो छेलै । एतौ दिनों के बाद ई दोनों कथा गीत कें आबैं हम्मैं पुस्तकाकार रूप में राखी रहलौ छियै ताकि बच्चा बुतरु सिनी फेनू सें ऊ कथागीत कें पढ़ें सकै आरो बतावें सकै कि हमरौ ई प्रयास केन्हौ रहलै । प्रतिक्रिया के प्रतीक्षा रहतै ।

—आभा पूर्वे



कविता-क्रम




खयाली पुलाव



पंचतंत्रों रों कथा सुनों
ज्ञान बीया के बुनों-बुनों
कहीं रहै एक पंडी जी
सोचै दिन भर की-की-की
एक दिन लेलकै धैलों एक
मन में करी केँ एक्के टेक
यै में चिकसों जोगना छै
आगू सुख केँ भोगना छै
ई सोची केँ रोज जुटाय

चिकसोँ वै में देलेँ जाय
आरो मन में सोचै ई
“नै ऐलों छै भले अभी
ऊ अकाल तें आन्है छै
दोँर अन्न के बढ़न्है छै
तखनी हम्में मँहगों दर में
बेचवै चिकसों राखलों घर में
चिकसों बिकी केँ ऐतै धोँन
गदगद होतै तखनी मोँन
वही धनों सें हम्में एक
किनवै बकरी, वहीं अनेक
देतै पठरू-पाठी भी
भले अंकिंचन छियै अभी






कल ऊ बेची पाठा-पाठी
लेवै गैया हट्ठी-कट्ठी
गैय्यां अगर बियैती बाछी
बेचवै ओकरौ नाँची नाँची
ओकरो सें जे ऐतै धोँन
देखतै दुनियां, देखतै जोंन
आरो हम्मों वही धनोँ सें
किनवै एक ठो भैंस मनोँ सें
भैंस बियैतै पाड़ा-पाड़ी
बेची वहू भी लेवै घोड़ी
घोड़ियो सें जे होतै बच्चा
ओकरो बेची पुरबै इच्छा
किनवै एक ठो घोँर बड़ोँ
आय कत्तो ई भाग अड़ोँ
घोँर जेन्है केँ कीनी लेवै





हम्में आपनो ~ व्याह रचैवै
 हमरौ पूत परापत होतै
 भोज-भात के देवै नेतो ~
 घुड़कलो ~ घुड़कलो ~ ऐतै पूत
 जैंठा इक घोड़ा मजबूत
 ई देखी के ~ कहवै जाय
 कहाँ छो ~ बुतरु केरी माय
 नै ऐती ते ~ हम्मी जाय
 लेवै पूत के ~ गोद उठाय
 एतनै टा की होतै बात
 धोड़ा के ~ देवै कसलो ~ लात”
 ई सोची के ~ होने गोड़
 दैइये देलके ~ ताबड़-तोड़
 मतुर वहाँ ते ~ छेलै कुछ
 घैलो ~ भसकी गेलै मुच
 अजब खियाली पुलाव के फौल
 पंडित जी केँ मिलै नै कोल ।




पहाड़ तरें ऊँट


पढ़वोँ-सुनवोँ नै जाय वृथा
सुनों, सुनैयों एक कथा
लाख बरस से भी ऊपर
एक मनुख छेलै भू पर
नाम मुरारी लाल छेलै
सुख-सम्पत रों बीच खेलै
मतरकि ऐलै ऊ दुर्दिन
समय बनी गेलै बाधिन
एकेक करी कें गेलै धोँन
लगै मुरारी केँ नै मोँन
सोचै धोँन कमावै के
रस्ता एकरों पावै के
सूझै मतर नै कोय उपाय



घोर निराशा आगू छाय
 आखिर में सोचलकै ई
 “बेची दियै ऊ कैहिने नी
 पुरखा केरों तराजू केँ
 मजगुत करियै बाजू केँ
 बिकला सें जे ऐतै धौन
 व्यापारों में देवै मोन”
 ई सोची केँ तराजू लै
 यमुना दास लुगां गेलै
 यमुना दास जे बड़का सेठ
 ढंग होने जों बड़का पेट
 गिरवी रखी तराजू केँ
 चललै दूर नगर आवें
 जाय वक्ती बोललै-“ऐवों
 टाका दै ई लै जैवौ ।”



आखिर जाय विदेशों में
 व्यापारी के भेषों में
 धन अरजलकै अपरम्पार
 याद ऐलै तबे घोर द्वार
 घर लौटी कें आवी गेलै
 सेठों लुग पहलें ऊ गेलै
 माँगलकै आपनों सामान
 गिरवी राखलौ कुल के मान
 पर सेठों रों नीयते खोट
 ग्लानि करों बनैलें ओट
 बोललै-“दुख छै हमरा घोर
 तोरों तराजू सम्पतखोर
 मूसों खाय गेलौं अफसोस
 मूसों पर छै हमरौ रोष



लेकिन की करिये बोलो ~
भले केन्हैं हमरा तौलो ~ ।”
कुछ सोची के मुरारी लाल
बोललै - “सेठ जी व्यर्थ मलाल
गेलो ~ चीज ले ~ रोना की
लौटतै नै, पछताना की
हमरा वै ले ~ फिकरो नै
करवौं आय सें जिकरो नै
पर अतना सहयोग करो ~
पास में छै सम्पत हमरो ~
तोरो ~ पूत जों कुछ देरी
जोगी दै-लौं जल फेरी
नद्दी जरा नहैला से ~



परदेशोँ रोँ दोष भसेँ
 जरिये देर में छोड़ी देवै
 वक्त बहुत नै ओकरो लेवै ।”
 सेठ मुरारी बात सुनी
 सुख सेँ लेलकै आँख मुनी
 फेनू बोललै-‘यैमें की
 हमरोँ बेटा तोहरो नी
 लै जा यै में की संकोच
 आपना में की जरियो सोच ।”
 वैश्य मुरारी लाल ले लेँ
 चललै सुत के । घाट होलेँ
 आवी एक सुरंगों में
 बांधी रस्सी अंगों में
 राखी देलकै ओकरा जाय
 आपनेँ लौटलै नदी नहाय ।



सुत नै देखी साथो ~ में
 झटका लागलै माथो ~ में
 बोललै सेठ सशंकित होय
 भीतर-भीतर कंपित होय
 सेठो ~ के सब बात सुनी
 लेलकै माथो ~ वहुँ धुनी
 बोललै-“की करियौ हे सेठ
 बाजो ~ के हौ एक चपेट
 लै उड़लै जे तोरो ~ लाल
 काम नै ऐलै एक्को जाल
 एको ~ हमरा बड़ा मलाल
 काम नै ऐलै एक्को जाल ।”




ई सब बात सुनी के सेठ
 रही-रही क्रोध से कस्से फेंट
 गुस्सा से भीतर तक जली के
 आरो वै गुस्से में चली के
 राजा रों दरबार पहुँचलै
 जहाँ मुरारियो लाल ऐलै
 सिंहासन पर राजा बैठलै
 आरो मंत्रीगण भी जुटलै
 हुकुम सुनी के बोललै सेठ
 “हमरो श्यामलाल सुत जेठ
 लै गेलै वै मुरारी लाल
 आबे एकरों दूसरो चाल
 बोलै छै-लै बाज गेलै





की सफेद नै झूठ भेलै
न्याय करो तोहीं राजा
दुखिरत एक तोरो प्रजा
जेहने भेलै बात खतप
राजा करलें मूँ तम-तम
बोललै-“कहै मुरारीलाल
ई केन्हो तोरो छौ चाल ?”
हुकुम सुनी के राजा रों
नै बोले हिम्मत केकरो
बोललै सब ठो कथा पुराण
गिरवी सें लै के असनान
आरो सबटा कथा कही
बोललै-“न्याय जों सही-सही

तें हमरा समझावोँ ई
 एक तुला लोहा रोँ की
 मूसें खावें पारै छै
 की है सभां विचारै छै
 जो शक्ति है मूसों केँ
 एक तराजू लोहा केँ
 खावें पारै छै बोलोँ
 जे कि आय तक नै होलोँ
 तेँ की अचरज यै में आज
 जो लड़का लै गेलै बाज
 जों मूसोँ लोहा केँ खाय
 केना ना बाज मनुख लै जाय ?”
 सेठ बैश्य रों बात सुनी



बोललै राजा, सभा गुनी
“धूर्त सेठ के चाहियो कि
दिये तराजू तुरत अभी
न्यायो पर जे चूना पोतै
ऊ ते दण्ड के भागी होतै”
एतना कही सभा कै भंग
राजा गेलै मंत्री संग ।





जन्म : 23 अक्टूबर 1964, जन्म-स्थान : भागलपुर, माता : जीवनलता पूर्वे,
 पिता : रूद्रदत्त पूर्वे, शिक्षा : बी. ए., एम. ए. (गोल्डमेडल) पी. एच-डी., प्रकाशित
 ग्रंथ : पलाश खिल रहे हैं (हिन्दी कविताएँ), परबतिया (अंगिका उपन्यास),
 अन्तहीन वैतरणी (अंगिका उपन्यास), गुलबिया (अंगिका उपन्यास), शिरीष की
 सुधा (हिन्दी कहानी-संग्रह), चन्दन जल न जाए (हिन्दी कहानी-संग्रह),
 जब-जब झरे श्रृंगार (दाहा-संग्रह), गुलमोहर का गाँव (हिन्दी कविताएँ), महिलाएँ
 और दूरदर्शन (शोध-प्रबंध), आकाशगंगा (हिन्दी अणुकथा-संग्रह-यंत्रस्थ), संपादन :
 गीत-गंगा (अंगिका गीत-संग्रह), नवगीतकार मधुसूदन साहा, अर्द्धनारीश्वर (हिन्दी
 कहानियों का पंजाबी अनुवाद), जीवनलता पूर्वे : शांत नदी की अनन्त यात्रा
 (अंग महिला साहित्यकार संसद)—भागलपुर, अंगिका लोकगीत (अंगिका
 संसद)—भागलपुर, अंगिका लोककथा (अंगिका संसद)—भागलपुर; केकरोँ चाँद,
 केन्होँ चाँद, खोई हुई लड़की का खत, नया हस्तक्षेप (अनियतकालीन
 पत्रिका), संस्था से संबद्धता : अध्यक्ष, अंग महिला साहित्यकार संसद, सम्पर्क :
 शरतचंद पथ, मशाकचक, भागलपुर-1 (बिहार)